



Pag ka togd sore, rasem a yiib kēna, rēndame t'a sīdā be ne-a, maa a mahram (rog-pēta)

Yii a Abu Sa'ūd Al-ḥudriy nengē, (Wēnd yard be a yīnga), la a rag n yume n lagem Nabiyaamā (Wēnd puusg la A tīlgr be a yīnga), n zab zab-laas piig la a yiibu, a yeelame, m wuma yel a naas Nabiyaamā nengē (Wēnd puusg la A tīlgr be a yīnga) ti ta mam raabo, a yeelame: «Pag ka togd sore, rasem a yiib kēna, rēndame t'a sīdā be ne-a, maa a mahram (rog-pēta), la no-loeer me ka be rasem a yiibā pugē ye: no-lokr la kibs raare.

Puusg ka be fagir Puusg poorē halı ti wīntoogā wa puki, Puusg me ka be Laasar poorē halı ti wīndgā wa tug n luı, la ka bobd sor n kēng miisa, rēnda miisa a tāabē wā:

Lohorem miisrā la Aksaa miisrā la mam miis-kāngā».

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamā (Wēnd puusg la A tīlgr be a yīnga) gıdga yel a naase: Rēnem: b gıdga pag t'a ra tog sore, rasem a yiib kēnd zīigē, rēndame t'a sīdā be ne-a, maa a mahram (rog-pēta), yē me la ned ning sēn yaa haraam ne-a, haraam ning sēn yaa lae, t'a ka tōe n fur-a, wala a biiga la a baaba la a tāo, la a tāo biiga, la a tāo-poak biiga, la a saambıba la a yesba la sēn wōnd rēnda. Yiib soaba: a gıdga no-lokr raar no-loeera la kibsā raare, zem ti İslaam loe-b lame ti yaa pulengo maa yam-yākre maa yaa kafaara la a ronda, ka sakd ye. Tāab soaba: yaa naafil Puusg sēn gıdga Laasar poorē halı ti wīndgā wa ti luı, la Fagir poorē halı ti wīntoogā wa puki. Naas soaba: yaa sēn gıdg ti b ra tog sor n tug sēn yaa zīig ning fāa, la loe sūurē ti yudlem n be beenē, la loe sūurē ti yel-sōmā fāooda be, sã n ka miis-kāensã b tāabã, rēnd ka bobd n kēng miisa a taab n na n ti puuse, zēng sēn ka be ye, bala keor ka fāood n na n kō foom, sã n ka miis-kāensã b tāabã, Lohorem miisrā, la Nabiyaamā miisrā, la Aksaa miisrā.

<https://sunnah.global/hadeeth/mos/show/10603>

